

EU PROGRAM ZA OPORAVAK OD POPLAVA

SMJERNICE ZA PODNOŠENJE PRIJAVE I PRIJAVNI OBRAZAC

**ZA PODNOSIOCE PRIJAVE NA JAVNI POZIV ZA IZRAŽAVANJE
INTERESA ZA FIZIČKA LICA S PODRUČJA JEDINICA LOKALNE
SAMOUPRAVE ODŽAK, DOMALJEVAC-ŠAMAC, ORAŠJE, ŠAMAC,
VUKOSAVLJE, DISTRIKT BRČKO**

**ZA UČEŠĆE U SANACIJI I OBNOVI KOMERCIJALNE
POLJOPRIVREDNE PROIZVODNJE KONZUMNIH JAJA KROZ EU
PROGRAM ZA OPORAVAK OD POPLAVA**

1. Opće informacije

U maju 2014. godine, obilne kiše su pogodile Bosnu i Hercegovinu, uzrokujući masivne poplave u sjevernom, istočnom i centralnom dijelu države na granici sa Hrvatskom i Srbijom. Riječ je o najgorim poplavama u proteklih 120 godina koje su dovele do ogromnih razaranja u državi koja se još uvijek oporavlja od posljedica rata koji je bio 1992-1995 i gdje se značajne grupe stanovništva bore sa hroničnim siromaštvom i nezaposlenošću. Prirodne katastrofe su pogodile četvrtinu teritorije Bosne i Hercegovine, i oko milion ljudi, što je otprilike 27% od 3,8 miliona stanovništva države. Otprilike 50% jedinica lokalne samouprave je pogođeno poplavama koje su doživjele gotovo potpuno poplavljenje urbanih, industrijskih i ruralnih područja. Shodno tome, kuće, infrastruktura, škole, bolnice, privatni objekti, farme i usjevi su oštećeni ili uništeni, uzrokujući pogoršanje u radu javnih službi, lokalne ekonomije i poljoprivrednih aktivnosti.

Na osnovu procjene potreba za opravak od poplava, koju su u julu 2014. godine proveli UN, EU i Svjetska banka u saradnji sa nacionalnim i lokalnim vladama, utvrđene su kratkoročni, srednjoročni i dugoročni prioriteti oporavka u različitim sektorima. Rezultati i zaključci ove procjene su uticali na kreiranje odgovarajućih intervencija prilikom rješavanja posljedica poplava na integritet i održiv način.

U međuvremenu, i na osnovu procjene provedene među 46 najviše pogođenih jedinica lokalne samouprave, UN je utvrdio kritične zahtjeve za oporavak i njihove finansijske projekcije za period od nekoliko narednih mjeseci, u sljedećim sektorima:

- Sanacija i rekonstrukcija javnih ustanova i usluga,
- Stambeni objekti,
- Upravljanje otpadom i deminiranje,
- Infrastruktura zajednice: mali putevi i mostovi,
- Vodovod, sanitacija i kanalizacija, te
- Ekonomski oporavak.

2. Ciljevi

EU Program oporavka od poplava će kroz programsku komponentu Ekonomski oporavak dodijeliti bespovratnu pomoć fizičkim osobama koja su pretrpila materijalnu štetu od poplava (maj 2014) sa ciljem oporavka njihove ekonomske situacije u odabranim jedinicama lokalne samouprave.

3. Namjena

EU Program oporavka od poplava će podržati ponovno uspostavljanje i obnavljanje proizvodnje konzumnih jaja na području navedenih jedinica lokalne samouprave. Cilj ove intervencije je da djelimično regenerira osnovno jato na farmama koje se bave proizvodnjom a koje su pretrpjele štetu tokom poplava iz maja 2014. godine.

Svaki odabrani korisnik će dobiti sljedeće:

1. Do 1500 komada 18-sedmičnih koka nosilja u zavisnosti od kapaciteta objekta.

Od podnosioca/podnositeljice se očekuje da osigura sljedeće:

- a) Objekat za smještaj koka nosilja sa svom potrebnom opremom. Objekat mora biti uslovan i dovoljne veličine za dati broj koka nosilja. Ukoliko se u objektu već nalaze koke nosilje, objekat mora biti dovoljno veliki da primi dodatnih 1500 koka nosilja koje će biti dodjeljene kroz ovaj projekat. Ukoliko objekat ne može da primi dodatnih 1500 koka nosilja, UNDP može odobriti podjelu manjeg broja koka nosilja.
- b) Uslovan prostor za smještaj hrane za koke nosilje. Podnosioc zahtjeva treba da obezbijedi adekvatan prostor (suh, zatvoren, prozračan itd) za skladištenje hrane za koke nosilje.

Odabrani podnosioc/podnositeljica će potpisati ugovor sa UNDP-om gdje će biti definisana prava i obaveze po pitanju bespovratne pomoći.

Pravo učešća imaju sva fizička lica koja ispunjavaju opšte i dodatne kriterije i koja su spremna da obezbijede gore tražene stavke.

Nepotpune prijave se neće uzimati u razmatranje.

4. Kriteriji za prijavu fizičkih lica

UNDP poziva sva fizička lica koja su pretrpjela materijalnu štetu u poplavama iz maja 2014. godine da podnesu prijavu za učešće u aktivnostima projekta EU Program za oporavak od poplava.

Prijaviti se mogu fizička lica koja su se bavila ili se bave poljoprivrednom proizvodnjom te koja žive na području jedinica lokalne samouprave **Odžak, Domaljevac-Šamac, Orašje, Šamac, Vukosavlje i Distrikt Brčko.**

Svaki podnositelj/podnositeljica zahtjeva (fizičko lice) treba ispuniti sljedeće kriterije:

- Da je pretrpio/la materijalnu štetu od poplava (maj 2014) na poljoprivrednim materijalnim sredstvima koja su bila korištena u tu svrhu prije poplava.
- Da živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa.
- Podnositelj/podnositeljica mora raspolagati adekvatnim objektom za uzgoj konzumnih jaja.
- Podnositelj/podnositeljica mora raspolagati adekvatnim objektom za skladištenje hrane za koke nosilje.

Dodatni kriteriji

- Podnositelj/podnositeljica prijave živi u domaćinstvu koje ima 5 ili više članova domaćinstva.
- Podnositelj/podnositeljica prijave je samohrani roditelj.

Ukoliko je ukupan broj potencijalnih korisnika koji ispunjavaju navedene uslove veći od broja korisnika koji mogu biti podržani, prednost se daje višečlanim domaćinstvima te domaćinstvima koja u svom sastavu imaju osobe koje ispunjavaju više kriterija (npr. osobe sa invaliditetom koje dijele domaćinstvo sa osobama bez primanja).

5. Smjernice za prijavu i potrebna prateća dokumentacija:

- a) Nakon što EU Program za oporavak od poplava objavi poziv za podnošenje prijave, sva zainteresirana fizička lica koja žive na području odabranih jedinica lokalne samouprave, mogu preuzeti odgovarajuće obrasce za prijave u zgradi jedinice lokalne samouprave u kojoj žive ili sa web stranice <http://www.ba.undp.org>.
- b) Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **22.06.2015. god. do 14:00 sati**. Sve prijave slati na registry.ba@undp.org ili direktno u jedan od UNDP ureda:
 - a. Sarajevo: Zmaja od Bosne bb (UN House)
 - b. Brčko: Bulevar Mira 1 (zgrada vlade Distrikta Brčko)

Prijave koje se dostavljaju direktno moraju biti predane u zatvorenoj koverti naslovljene na „EU Program obnove od poplava – javni poziv za komercijalne proizvođače konzumnih jaja“.

- c) Za sve dodatne informacije i pojašnjenja tokom perioda podnošenja prijave, podnosioci zahtjeva mogu direktno uputiti pitanja, upite i zahtjeve u pisanoj formi, na broj faksa +387 33 552 330 ili e-mail registry.ba@undp.org.
- d) Obrasci s nepotpunim podacima će biti odbijeni (označiti s nulom (0) ako podaci nisu navedeni).
- e) Prijave koje ne sadrže potrebnu prateću dokumentaciju se neće razmatrati.

Pored obrasca za prijavu, fizička lica koja se prijavljuju za učešće trebaju dostaviti dodatnu prateću dokumentaciju, koja je navedena u nastavku.

Popis prateće dokumentacije:

- Kopija lične karte;
- Prijava CIPS (ne starija od 30 dana, original ili ovjerena fotokopija);
- Potvrda/prijava o pretrpljenoj materijalnoj šteti koja pokazuje broj uginulih koka – općina/opština ili druga nadležna institucija (veterinarska stanica, ministarstvo poljoprivrede itd.);
- Kućna lista na dan 31.5.2014 za stambenu jedinicu koja je pretrpila štetu;
- Potvrda sa biroa za sve nezaposlene članove domaćinstva ne starija od 30 dana;
- Evidencijski broj objekta za uzgoj konzumnih jaja ili kontrolni broj objekta za uzgoj konzumnih jaja izdat od nadležne institucije;
- Okvirna procjena štete na poljoprivrednom dobru od strane općine/opštine ili druge nadležne institucije;
- Potvrda nadležne opštinske/općinske službe ili APIF-a prema mjestu prebivališta da je podnositelj/podnositeljka registrovan/a ili podnio/podnijela zahtjev za upis u Registar poljoprivrednih gazdinstava i Registar klijenata u skladu sa pravilnikom o registraciji poljoprivrednih gazdinstava.

- Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece).

6. Uloge i odgovornosti strana

EU Program za oporavak od poplava će pružiti podršku i tehničku pomoć koja će se dodjeljivati u okviru raspoloživih sredstava programa.

Odabrana fizička lica će morati potpisati Izjavu o saglasnosti, kojom izražavaju svoju spremnost da zadovolje sljedeće zahtjeve (Izjava o saglasnosti dostupna u nastavku, na stranici br. 8):

- pružanje informacija na zahtjev UNDP-a;
- učešće u obuci organiziranoj od strane UNDP-a;
- dostavljanje svih relevantnih informacija;
- pristup informacijama tokom posjeta u cilju procjene implementacije projekta.

7. Proces odabira

Izbor korisnika pomoći na osnovu ovog javnog poziva će vršiti imenovana komisija za navedene općine/opštine. Komisija će razmatrati prijave u skladu sa odredbama ovog javnog poziva.

Rezultati o izboru korisnika projekata bit će objavljeni na oglasnoj ploči opštine/općine i web stranici <http://www.ba.undp.org>.

Izbor korisnika će se odvijati u dvije faze, uključujući:

Prva faza: Usklađenost i evaluacija prijave po kriterijima iz javnog poziva

- Komisija za odabir provodi pregled prijava i pregled usklađenosti prijave s administrativnim zahtjevima;
 - Provjera da li je dostavljena sva potrebna dokumentacija;
 - Vrednovanje i bodovanje prijava fizičkih lica.

Druga faza: Terenske posjete i procjena fizičkih lica/konačni odabir

- Komisija će provoditi terensku posjetu kod odabranih fizičkih lica iz prve faze.
- Komisija će procijeniti tačnost informacija navedenih u obrascu za prijavu.

OBRAZAC ZA PRIJAVU

Prijava za pomoć za komercijalno orijentirane poljoprivredne proizvođače konzumnih jaja			
INFORMACIJE O PODNOSIOCU PRIJAVE			
Ime i prezime:			
Datum rođenja:	JMBG:	Broj telefona:	
Adresa:			
Opština/Općina:			
INFORMACIJE O ČLANOVIMA DOMAĆINSTVA			
Ime i prezime	JMBG	Porodični odnos	Starost
Da li posjedujete više od jedne stambene jedinice? Da <input type="checkbox"/> Ne <input type="checkbox"/>			
Ukoliko je odgovor da, da li su ostali objekti u Vašem vlasništvu na prostoru opštine/općine boravišta? Da <input type="checkbox"/> Ne <input type="checkbox"/>			
Da li su navedeni objekti stradali u poplavama: Da <input type="checkbox"/> Ne <input type="checkbox"/>			
PODACI O SOCIJALNOM STATUSU PODNOSIOCA			
Radni status (za članove domaćinstva između 18 i 65 godina starosti)			
Ime i prezime člana domaćinstva	Zaposlen/a	Nezaposlen/a	Student/ica Penzioner/ka
STATUS POLJOPRIVREDNE PROIZVODNJE			
Navedite kojom ste se poljoprivrednom djelatnošću bavili prije pričinjene štete (voćarstvo, povrtlarstvo, peradarstvo itd.)?			
Navedite površine/broj grla s kojim ste radili?			
Navedite godišnje prinose koje ste ostvarivali?		kg	
Koliko dugo se bavite ovom vrstom proizvodnje?			
Da li posjedujete mehanizaciju? Ako da, navedite koju.			
Gdje i kome prodajete svoje proizvode?			
Ja, _____, ovim potvrđujem tačnost navedenih podataka i prihvatam da netačnost navoda u ovoj prijavi znači diskvalifikaciju mog domaćinstva iz EU Programa za oporavak od poplava.			
Potpis:			Datum:

IZJAVA O SAGLASNOSTI

Ja, _____ /ime i prezime podnosioca prijave/, saglasan sam da na
zahtjev UNDP osiguram sljedeće:

- pružanje informacija na zahtjev UNDP-a;
- učešće u obuci organiziranoj od strane UNDP-a;
- dostavljanje svih relevantnih informacija;
- pristup informacijama tokom posjeta u cilju procjene implementacije projekta.

Potpis: _____

Datum: _____